



MISA CON NENOS

9 de xuño de 2019

Domingo de PENTECOSTE - C



Xoán 14, 23-29: "O Espírito Santo iravos recordando todo o que vos dixen".

Mensaxe: O Espírito Santo asolágo todo.

1. ACOLLIDA

-Irmáns e irmás: Reunímonos para celebrar a Eucaristía no Domingo de Pentecoste, a culminación da Pascua. Durante estes sete **domingos de Pascua** estivemos recordando e celebrando o gran triunfo de Cristo pola súa resurrección e a súa ascensión aos ceos.

Hoxe celebramos a festa de Pentecoste. O Espírito que resucitou a Xesús, esperta e enche de vida agora á Igrexa, á comunidade cristiá, e empúxa a desenvolver a súa misión: proclamar a resurrección de Xesús e a súa mensaxe salvadora en todas as direccións.

(Saímos cun cartel cunha pomba que poña: "Ven, Espírito Santo").

-O Señor Xesús, que nos dá o Espírito Santo que nos ilumina e fortalece, sexa convosco.

2. ASPERSIÓN OU CELEBRACIÓN DO PERDÓN

MONICIÓN á Aspersión: *Coa alegría de ser seguidores de Xesucristo, recordemos agora o noso bautismo, que nos fixo fillos de Deus e nos encheu do seu Espírito.* (Aspersión)

-Que Deus todopoderoso nos purifique do pecado e, pola celebración desta eucaristía, nos faga dignos de participar do banquete do seu Reino. Amén.

Ó RITO PENITENCIAL:

S/ Nós, pedimos perdón polas veces que facemos calar o Espírito na nosa vida persoal e eclesial:

- Polas veces que non fomos dóciles ás inspiracións da túa Espírito, dicímosche: *Señor ten piedade de nós.*
- Polas veces que non demos exemplo de fe e caridade conforme á presenza do Espírito de Deus en nós, rogámosche: *Cristo ten piedade de nós.*
- Polas veces que non fomos testemuñas da bondade de Deus aos homes segundo o Espírito do Evanxeo de Xesús, pedímosche: *Señor ten piedade de nós.*

3. MONICIÓN ÁS LECTURAS

Na Xénese, Deus dá orixe a todo por medio da Palabra, e ao ser humano infúndelle o seu alento dándolle vida. Vento, alento e Palabra son recollidas en **Feitos** como os signos da nova creación que Deus realiza en Pentecoste. **S. Paulo** recórdanos que todos os crente formamos un só corpo. No **Evanxeo** Xesús dá aos seus discípulos o Espírito e envíaos a crear unión e perdoar.



4. PETICIÓNS

Diriximos a nosa oración ao Pai para pedirle que envíe sobre todos nós o seu Espírito e nos encha de fortaleza. Digamos: **-Envíanos o teu Espírito, Señor.**

1. Que como o vento impetuoso empuxe á Igrexa e á nosa fe desde dentro. **Oremos.**
2. Dános a coraxe que necesitamos para ser as túas testemuñas hoxe na sociedade. **Oremos.**
3. Abre o noso corazón ao teu Espírito para que saibamos recordar e entender todo o que Xesús nos ensinou. **Oremos.**
4. Dános a coraxe que necesitamos para que sen medos nin receos abramos o noso corazón ao teu Espírito. **Oremos.**
5. Que deixemos ao Espírito actuar en nós vivindo os seus sete dons. **Oremos.**

Pedímoscho, Pai, por Xesucristo, noso Señor.

5. OFRENDAS

NIÑOS CON DISTINTAS CHAMAS QUE POÑERÁN ARREDO DA POMBA DO CARTEL: Ofrecemos ao Señor estas chamadas para expresar a nosa fe no Espírito Santo e agradecer a Xesús que nolo deu.

LENTES EN FORMA DE CORAZÓN: O Espírito Santo cambia a nosa mirada, ás veces tan escura e egoísta, e fainos ver a vida con ollos de bondade, de ledicia, de renovación, de paz e amor.

PAN E VIÑO: O Espírito Santo en cada Eucaristía, a través das palabras do sacerdote e da imposición de mans, pousase sobre o pan e o viño e convérteos no Corpo e no Sangue de Xesucristo e sobre todos nós para que vivamos unidos. Grazas Espírito Santo pola túa presenza e acción en nós.

6. VÍDEOS de PENTECOSTE-C (Xn 20, 19-23)

- Xn 20, 19-23, debuxos: <http://youtu.be/SOZSfFtJ6k>
- A historia de Pentecoste, sombras: <https://www.youtube.com/watch?v=MuvYVnrdNU>
- Escena de Pentecoste, película: <https://www.youtube.com/watch?v=-eLjVW5cU9k>
- Xn. 20, 19-23, película <http://youtu.be/idaKSByBMEk>
- Vídeo que abre a vixilia de Pentecoste en 2009 en Santiago de Chile <https://www.youtube.com/watch?v=a-vtoRqs3Y>
- Pentecoste, película con letras: <https://www.youtube.com/watch?v=xbdo35ZKwXE>
- Ven Espírito divino, canción: <https://www.youtube.com/watch?v=kYDRfUxoCqo>
- Viremos a el, canto do evanxeo: <https://www.youtube.com/watch?v=SFUqMk01-KA>
- Xoán 20, 19-23, canción de JM Pérez Valverde: <http://youtu.be/xt5a2hJklcM>
- Xoán 14,23-29, A promesa do Espírito Santo, película: https://www.youtube.com/watch?v=VA50_dti6I
- Xoán 14,23-29: https://www.youtube.com/watch?v=3K_J55cRzg0
- Enviados, reflexión: <https://www.youtube.com/watch?v=bIFHh6oRc9Q>
- Xn, 19-41, Xesucristo Superstar: <http://youtu.be/AP7wXJxOd7Y>
- Ven Espírito de Deus, canción: <http://youtu.be/DitFflfZj3U>
- Ven Espírito Santo, canto: <https://www.youtube.com/watch?v=E5dOvxxDg34>
- Pentecoste, Canción de Javier Bru: <https://www.youtube.com/watch?v=3DI7hvu4O9Y>
- Inundarnos da paz, reflexión VD-2010: <https://www.youtube.com/watch?v=MbNK36Wu-GA>
- Sos non podemos, reflexión, VD-2013: <http://youtu.be/0pFaFy3KjQc>
- Enviados, reflexión, VD-2016: <https://www.youtube.com/watch?v=bIFHh6oRc9Q>
- Para comprender hai que achegarse, reflexión, VD-2019: <https://www.youtube.com/watch?v=CVYutjuT7FY>
- Descoidaches a túa relación coa Virxe María? - Un minuto con Francisco: <https://www.youtube.com/watch?v=eAlc6iTy6FQ&feature=youtu.be>

7. SUXESTIÓNS:

- Buscamos **algunha oración** ao Espírito Santo e imprimímola para rezala todos os días.
- Facemos un **cartel cos dons** do Espírito Santo e tratamos de explicalos.
- Descubrimos o Espírito onde** hai ledicia, renovación, na nosa escena cotiá dando altura de miras, empuxe..., no coidado dos pais, o coidado dos catequistas, o agarimo dos avós, a dedicación dos profesores...
- Poderían os nenos facer un **decorado para o templo** cunha pomba ou unha chama (o Espírito) que tivese escritos no seu interior os 7 dons: sabedoría, entendemento, consello, fortaleza, ciencia, piedade e temor de Deus. Logo de traballar estes dons no grupo, colócanos no templo nun panel para demostrar que os dons do Espírito Santo son algo concreto e real. Ao colocalo que cada neno ensine o que máis lle guste e o que significa. Tamén se podería ir pegando cada don na pomba ou chama.



- Para **explicar o que é o Espírito Santo** podemos usar os globos: logo de facer un taller de globoflexia explicamos que para que un globo voe e para facer figuras hai que enchelo de aire. Pentecoste é o día en que Xesús soprou vida á Igrexa, e ela recibiu o aire do Espírito para ser o que Xesús quería que fose. Tamén nos valen as pilas. Que ocorre se as pilas están gastadas? Aínda que non vemos as pilas notamos os seus efectos: as luces, os movementos, os sons... Isto é o que fai o Espírito Santo en nós: dános a forza para crer en Deus, para ir a misa, para perdoar o que nos fixo mal, para gastar o tempo co que nos necesita, para vivir alegres... E se poñemos as pilas novas o coche vai a lume de biqueira. O mesmo nos pasa aos cristiáns co Espírito.
- Tamén se podería facer unha **novena ao Espírito Santo** para preparar mellor este día destacando os aspectos fundamentais, ou un triduo.
 - Poderíase destacar hoxe os dous momentos da pregaría eucarística na que se **invoca ao Espírito** e facer ben a imposición de mans: “por iso pedímosche que santifiques estes dons coa efusión do teu Espírito”... e “pedímosche humildemente que o Espírito Santo congregue na unidade a cantos participamos do Corpo e Sangue de Cristo”...
 - Trala bendición da última misa do día de Pentecoste apagamos o **Cirio pascual** como signo da conclusión do Tempo Pascual, acompañando o xesto con algunha monición e canto, e trasladámolo ao baptisterio.

